

## **Davlat statistika organlarida korrupsiyaga qarshi kurashish masalalari bo`yicha o`tkazilgan so`rovlar natijalari to`g`risida ma`lumot**

O`zbekiston Respublikasi Prezidentining 2017 yil 2 fevraldagi “Korrupsiyaga qarshi kurashish to`g`risida”gi O`zbekiston Respublikasi Qonunining qoidalarini amalga oshirish chora-tadbirlari to`g`risida”gi PQ-2752-son qarori, 2016-2017 yillar uchun korrupsiyaga qarshi chora-tadbirlarni amalga oshirish bo`yicha amaliy harakatlar Kompleks rejasini o`z vaqtida va samarali amalga oshirish, davlat statistika organlarining ochiqiligini ta`minlash va Davlat statistika qo`mitasi tizimida korrupsiya holatlari yuzaga kelishini oldini olish maqsadida, Qo`mitaning 2017 yil 21 fevralda tasdiqlangan Davlat statistika qo`mitasi tizimida 2017-2018 yillarga mo`ljallangan korrupsiyaga qarshi kurashish bo`yicha idoraviy kompleks chora-tadbirlar rejasida belgilangan vazifalar doirasida, joriy yilning 18-28 sentyabr kunlari Qo`mita tizimi organlarining rasmiy veb-saytlari orqali “Davlat statistika organlarida korrupsiyaga qarshi kurashish masalalari bo`yicha so`rovnoma” shaklida so`rovlar o`tkazildi.

So`rovlar tizimidagi korrupsiya holatlarining o`ziga xos xususiyatlarini aniqlash va uning natijalari bo`yicha korrupsiya darajasini pasaytirish usullarini izlash maqsadida tashkil etildi.

Ushbu so`rovlar Qo`mita tizimi organlari rasmiy saytlari orqali tashkil etilib, respublikaning barcha hududlarida istiqomat qilayotgan fuqarolar, shuningdek axborotdan foydalanuvchilarning so`rovlarda ishtirok etishlari uchun imkoniyat yaratildi.

O`z navbatida axborotdan foydalanuvchilarga qulaylik yaratish maqsadida, so`rovnomalar o`zbek va rus tillarida taqdim etildi.

So`rovlarda respublikaning barcha hududlaridagi axborotdan foydalanuvchilar ishtirok etib, ularning 53,5 foizini tadbirkorlik sub`ektlari, 11,6 foizini nodavlat notijorat tashkilotlari va boshqa yuridik shaxslar vakillari, 11,6 foizini jismoniy shaxslar yoki ularning vakillari, 4,7 foizini talabalar hamda 18,6 foizini boshqa toifadagi axborotdan foydalanuvchilar tashkil etdi.

So`rovlarda barcha hududlarning to`liq qamrab olinishi natijasida, ularda respublikaning barcha tuman va shaharlarida yashovchi axborotdan foydalanuvchilar ishtirok etishdi.

O`z navbatida, so`rovlarning anonimligi ta`minlanib, shu bilan birga unda respondentning shaxsiga oid ma`lumotlar hech qaerda ko`rsatilmaligi va savollarga berilgan javoblar faqat umumlashtirilgan holda ishlatilishi, shuningdek javoblarning respondentga yoki boshqa shaxsga qarshi ishlatilishiga aslo yo`l qo`yilmaligi kafolatlandi.

Davlat statistika qo`mitasi tomonidan ushbu so`rovlar natijalari bo`yicha axborotlar tahlil qilinib, tahlil natijalariga ko`ra davlat statistika organlarida korrupsiyaga duch kelish holatlari, ularning davriyligi va yuzaga kelish sabablari atroflicha o`rganib chiqildi. Shuningdek, so`rovlar natijalari Davlat statistika qo`mitasining korrupsiyaga qarshi idoraviy komissiyasi yig`ilishida muhokama etilib, tizim organlarida korrupsiya holatlariga qarshi kurashish ishlarini yanada kuchaytirish bo`yicha chora-tadbirlar belgilandi.

Davlat statistika qo`mitasi, ushbu so`rovnomada ishtirok etib, ko`rsatgan yordamlari uchun barcha ishtirokchilarga minnatdorchilik bildiradi!